

東華續錄

同治朝

卷十一之十四

第四冊

秋七月癸未諭議政王軍機大臣等勝保奏豫境回竄粵賊逐漸南趨派兵追剿並親督大軍策應及遵陳於苗沛霖一事專主撫議爲局外人所不見諒恐勝保西行撫馭失宜致兆亂萌各摺片粵賊竄回豫境業由裕州葉縣一帶南竄勝保所派副將王佐臣一軍已由郟城舞陽追剿著鄭元善督飭兵勇併力殲除勿令闖入楚境致剿辦又煩兵力勝保見疑督隊取道項城商水節節前進著將豫省腹地迅速廓清馳赴洛陽駐紮俾匪不敢再行出擾則豫省西陲益臻穩固勝保如慮西行後不能兼顧皖事恐楚軍與苗練構擧收拾愈難李續宜身爲皖撫苗練皆係部民豈肯意存岐視苗沛霖如協助官軍始終不懈李續宜豈得無故加兵如反覆無常不受鈐束不但李續宜督兵進剿即勝保在皖亦應聲罪致討況苗沛霖所逕僧格林沁稟詞業經奏聞將來辦理此事必不至偏枯也另片奏捻首馬振興率領本圩及阜陽縣屬之韓馬莊等二十寨乞降並有不期而薙髮投誠者二十二寨新蔡之路節次漸通勝保察其情形無虞反覆准令投誠隨營效力各等語勝保於馬振興等投誠後令其揀選丁壯勒賊立功方准發給口糧且不遽爲馬振興等奏請予以官職辦理甚合機宜仍著勝保留心察看該捻首等如果真心歸化自應予以自新之路如係畏懼攻剿暫投該大臣軍前乞命尙存反覆之心則仍當及早翦除不可稍涉大意周家口釐局竟被土匪楊元率眾滋擾自應從嚴懲辦惟委員等有無侵漁加派亦應嚴切根究庶足服商民之心而杜土匪之口將此由六百里各諭令知之○諭勝保奏苗沛霖立功已有成效尙懷疑懼該大臣見奉旨西行未能兼顧皖事恐離皖之後有人挑釁或致意外之虞等語勝保見在取道項城商水一帶西剿粵賊前因豫省河洛喫緊疊諭勝保統兵前往駐紮勝保起程以後卽應責成李續宜接辦苗沛霖在皖如果恪遵約束諒該撫必不阻其自新之路儻仍有跋扈情形李續宜自不能置之不辦該撫平日議論並非專意勦苗惟勝保離皖以後苗沛霖總不免心懷疑懼自應予以羈縻加以鈐束一切操縱機宜僧格林沁惟當與李續宜安密籌商聯絡一氣餘著仍遵前旨相機辦理據實迅速覆奏將此由六百里諭令知之○諭都興阿等奏周家圩港居民與洋人爭鬪一摺已將參將李潤雄革職總兵李德麟摘頂示懲矣洋人於未通商各口岸例不准其前往銷貨何以李德麟稟內稱近來每有奸商勾雇洋人泅來內江各港銷貨之語既有此等情事卽應早爲稟明禁止何以直至周家圩港滋事之後始行稟聞該總兵等平日全不以營伍爲事其咎實有應得惟此次洋人既係甯波奸商勾引自知情虛赴水淹斃何以連次到有輪船既捉去民人三名復燒毀紅單船三隻是其兇橫情實出情理之外不可不嚴加詰問使洋人知所儆懼此次起釁根由如全係洋人理曲固

不必代爲隱飾如曲在洋人而內地官民亦居其半聲敘亦必須真實無僞方足以折服其心著會國藩都興阿李鴻章確切查明具奏不可一字虛假本日已飭總理各國事務衙門王大臣將該洋人違約妄行各情告知該國在京公使與之理論並著辭煥在滬先行妥爲查辦該洋人滬上紅單船將礮門釘塞該船兵勇所司何事著都興阿嚴飭管帶各員認真整頓於賊匪則痛加剿捕於商民則妥爲保護於外國洋人則分別是否通商地界有無執照防範之中示以撫綏以期相安於無事儻再不善籌維不知振作必將管帶各員從嚴治罪將此由六百里各諭令知之○甲申諭內閣朕奉 慈安皇太后 慈禧皇太后懿旨前因雲南學政張錫嶸奏請宗祀 文宗顯皇帝於 大饗殿以合孝經明堂之義並附陳宗祀辨疑條說當交王大臣大學士六部九卿翰詹科道敬謹妥議嗣據該大臣等會同議奏以室礙難行懇請毋庸置議復以事關典禮理宜倍切詳慎本日召見惠親王綿愉惇親王奕訢醇郡王奕誼鍾郡王奕詝孚郡王奕誨禮親王世鐸睿親王仁壽肅親王華豐順承郡王慶恩軍機大臣文祥寶鋈曹毓瑛御前大臣景壽奕山貝勒載治貝子載容公載岱大學士賈禎周祖培尙書瑞常朱鳳標倭什琿布大學士銜尙書那桐藻尙書萬青藜綿森大學士銜管理工部事務翁心存尙書倭仁侍郎張之萬阜保大理寺卿全慶光祿寺卿潘祖蔭等面加詢問僉稱 文宗顯皇帝德齊覆幬 道隆繼述凡有血氣之倫罔不共切尊崇矧在臣工渥承 厚澤惟考之今制稽之古禮事多窒礙未可依行等語仰惟 文宗顯皇帝知禮善述於 御極之初特頒 諭旨嗣後 郊祀配位總以 三祖 五宗爲定垂示久遠著爲成式今舉行宗祀明堂之典仍是

郊壇配饗揆諸 文宗顯皇帝垂憲萬世之心殊多未愜且乾隆年間奉 高宗純皇帝諭旨改大饗殿爲 祈年殿列聖竈位儼然在上若於季秋之月大饗 上帝禮隆獨配於 文宗顯皇帝在天之靈更有所不安至孝經嚴父之說聖祖仁皇帝欽定孝經衍義辨晰至當深以迭饗並侑爲失禮之甚 謨烈昭垂曷敢不欽承無斁雖至孝莫大乎 尊親而崇祀必求諸典禮該學政所奏既屬窒礙難行即著毋庸置議繼志述事孝之大者皇帝惟當仰承 先志恪守彝章爾王大臣等其各矢公忠繹思 謨訓遇有事關國計民生者事以 先帝之心爲心盡心匡弼用協厥中則 在天之靈必能降鑒無俟紛更典禮爲也將此宣諭中外知之○諭張亮基奏代遞在籍京員封事一摺湖北在籍刑部主事王柏心進呈經論及應詔陳言各一摺言皆忠告具見惻忱所呈伊訓及太甲要語經論八首卽著弘德殿存記以備乙覽其應詔陳言八條內所請開特科寬權算二條該部妥議具奏其餘六條分別內事外事所言亦多可採著畱中備覽○諭議政王軍機大臣等張亮基奏林自清赴渝謁見經該前督嚴加開導尙無悖逆之意已將所帶不遵約束之遊擊張正洪等正法

並將提督印信勒令呈繳惟其勢萬難回滇擬咨商駱秉章暫留林自清在川勦賊等語林自清既與雲南回眾不能相容若雷川效力必須將所部亡命之徒悉數遣回庶不至貽後患著駱秉章潘鐸張亮基等仍遵前旨如林自清雷川勦賊不至爲患即當酌籌款項將其黨與悉數遣回或酌留數百人使之帶以立功如林自清因兵練已撤仍願隨同張亮基赴滇即著張亮基將其帶往不得任令擁眾獨行以致騷擾地方其張陞一軍應如何安插之處亦著駱秉章張亮基等妥爲辦理將此由五百里各諭令知之○諭英蘊等奏喀什噶爾突有賊匪撲入卡倫官兵迎勦獲勝奎英等奏安集延賊匪突入卡倫撲至回城外滋擾官兵出勦獲勝各一摺據稱探得爲首賊匪係倭里罕及斜黑阿渾二子見飭嚴防等語倭里罕係屢次入卡滋事著名首犯而斜黑阿渾二子又屬逆裔該匪等膽敢復猖爲奸糾約匪黨攻撲回城抗拒官兵實屬目無法紀離經官軍擊退難保不再來滋擾著奎英等實力防範如探有匪蹤即行追擊以期淨絕根株奎英等摺內所稱另股賊匪係屬何賊而英蘊及奎英等摺內又牽及浩罕互鬪之事聲勢殊未明晰並著查明具奏景廉等著仍遵前旨迅即赴任飭令各該城認真防守伊犁換防官兵見已到境是否足資堵禦並著飭令認真搜捕以清餘孽常昂等有統率各城之責何以於邊卡滋事毫無聞見即著查明具奏並嚴飭該城安速肅事勿任滋蔓另片奏葉爾羌伯克邁瑪特哈色木身故所遺世職驗看得伊之嫡次子堪以承襲等語該伯克有無嫡長子未據聲敘著再查明奏請承襲無庸含混又據英蘊等奏請將賞給浩罕伯克敕書等件暫緩頒發等語浩罕伯克邁里既據探稱被屬下謀弑地方荒亂所有前頒敕書綬段等件著暫存葉爾羌公庫俟秋後探明確情再行頒給將此由五百里各諭令知之○丙戌諭議政王軍機大臣等勝保督辦皖豫軍務所有豫境賊匪自應統籌掃蕩該大臣所派副將王佐臣管帶馬隊已由鄆城舞陽進勦其太和一路亦經該大臣肅兵鎮守前諭將盧秦所帶兵勇五百名調回交黃元吉管帶以厚兵力諒已足敷防勦見在陝省回匪臨張雖已嚴飭多隆阿等軍馳往援勦第恐該回匪等句結捻逆入陝則更形棘手勝保前奏親統馬步及項城兵勇七千餘名即著迅速督赴河洛俾各捻無從牽擾奏豫兩省得以迅速肅事庶於大局諸多裨益其由太和至河洛一帶如何情形並著詳細覆奏將此由五百里諭令知之○諭李續宜奏疊奉諭旨遵籌密陳一摺苗練借勦賊爲名忽降忽叛若不急圖勦除則中原大局後患尙多該撫見在先解散黨與以孤其勢即著酌量辦理該練所占民圩甚多並未甘心服從若示以順逆曉以禍福歸順者妥加撫綏怙惡者逐漸勦辦必可次第反正該撫熟悉情形應如何辦理之處不爲遙制並不責以旦夕之效惟苗沛霖被逼窘迫窮而思竄亦在意計之中前據該練遞稟於僧格林沁經該親王具奏僧格林沁公正樸誠即使該練往投

必能措置合宜惟該親王遠在豫省於苗練枝展皖軍布置各情未經深悉著李續宜隨時籌商以期互相聯絡勝保已飭赴河洛之交皖事無虞掣肘惟多隆阿一軍見因陝省漢回互關擾及西安同州恐勤辦尚須時日更恐陝省事竣金陵尚待其協勤北路藩籬僧格林沁止能顧及虞永一帶而光固等處該撫均當豫籌杜其奔竄勝保性好浮夸鄭元善材非遠到均恐不能堵禦總當計等萬全不至激變目前亦不可釀患日後方爲妥善袁甲三在臨淮督師久無成效萬難勝此重任見尚未准開缺將來朝廷自有權衡該撫於臨淮各軍先行隨時察看再候諭旨該撫咯血之證在營調攝自當漸痊卽著將辦理情形隨時具奏原摺著雷覽將此由六百里密諭知之○諭寄諭欽差大臣僧格林沁李續宜奏遵旨密覆辦理苗練情形一摺據稱苗沛霖張落刑兩逆首積不相能惟操之過蹙難保不句結爲患見將苗沛霖黨與陸續解散幾及其半擬俟苗勢既孤再審量緩急次第辦理等語覽李續宜所奏其於苗練一事並非一意主剿但苗沛霖勢燄日熾不受地方官鈐束自應散其黨與以後或剿或撫始可以操縱自如苗沛霖果馴順輸誠督率練眾會同官軍進攻逆捻則該大臣攻擣永毫捻巢正藉苗練牽制之力以清疆圉李續宜亦斷不肯無故加兵第恐苗沛霖見其黨與日散楚軍日盛而勝保又已前赴河洛難保不心懷疑懼或挾眾北趨徑投該大臣軍營申訴務當妥爲駕馭或令酌帶練勇勦捻立功由該大臣察看情形斟酌妥辦朝廷亦不爲遙制惟苗沛霖性情狡猾仍當隨時防範不可稍涉大意李續宜見駐六安相距雖遠第既與該大臣同辦皖北軍務所有軍情變幻及勦撫機宜務須彼此函商以期和衷共濟庶不至辦理參差將此由六百里密諭知之○諭寄諭欽差大臣袁甲三前據勝保奏丁潮臣因臨淮之兵攻勦日急該練悉眾詳歸約有二萬餘人當以該練眾胸懷憤激勢必乘怒很鬪諭令袁甲三妥爲防範不可疏虞該練眾回巢以後會否接仗如何辦理情形尙未據該大臣奏到苗沛霖因該大臣與李續宜合力勦苗特嫉其黨丁潮臣乘機生變藉以牽掣而不居其名其計甚狡該大臣務當商同李續宜厚集兵力將此股回窺匪眾悉數殲除不可任令蔓延爲患勝保起程以後一切辦理苗捻機宜事權固可歸一惟苗沛霖心懷疑懼持之太急恐與張落刑句合則北路空虛不無可慮該大臣惟當與李續宜妥爲籌畫以期計出萬全該大臣前此因病陳請開缺諭令候旨見在苗捻未平臨淮軍務緊要該大臣惟當與李續宜共矢公忠努力幹濟不可存五日京兆之心致負委任將此由六百里密諭知之○丁亥諭議政王軍機大臣等景紋奏行抵川省籌備餉需並在川接滿慶等咨報情形各摺片據稱見在西藏僧眾互相殘殺駐藏官兵不足以資彈壓請飭川省暫爲湊銀數萬兩以備餉糈並調撥番漢官兵揀派文武幹員隨同前往等語前據滿慶等奏藏中僧俗鬪殺不休當經諭令駱秉章由川酌調安幹

官員及兵丁數百名交景敘管帶赴藏如川省兵力未能分撥即咨行景敘酌調達木蒙古官兵及夥爾三十九族番兵就近帶赴並諭令景敘於抵川時與路秉章籌商將所調兵丁迅速帶往見在景敘已抵川省著路秉章督飭藩司湊集銀數萬兩以備餉需軍火之用如一時或形支絀即著先備若干解交餘再源源接濟並揀派能幹文武數員隨同景敘前往彈壓辦理並著景敘迅即調齊番漢兵丁馳赴藏中相機籌辦及早竣事並仍遵前旨查明此案起釁根由秉公剖斷滿慶等有無徇情濫保情弊亦著查明切實具奏毋許瞻徇將此由五百里各諭令知之○戊子諭內閣鄭元善奏官軍攻克平輿集並堵擊粵匪剿辦洛郡逆練各情形一摺汝營官軍連克二王樓等處賊寨後乘勝進搗平輿將出隊抗拒之賊轟斃多名焚毀老巢附近各卡越壕填圍而進短兵奮殺賊屍縱橫立將平輿集攻克其由徐寨竄扼河西之賊亦經官兵擊退各軍見由平輿直偏該逆老巢著鄭元善督飭兵勇務將逆首陳大澹等悉數殲擒毋任漏網其由宛屬竄撲泌陽圍攻桐柏縣城粵匪經知縣溫逢春等擊退由鄖西退入豫境之賊在淅川內鄉一帶掠鄉攻城均經該地方官擊敗復乘兩圍攻新野縣城竄入唐縣境內屢經該縣團勇擊退著鄭元善迅飭各路官兵會合鄉團隨處兜剿毋令紛竄至洛陽縣會元局團匪李書聲等抗官劫餉約期攻城既經副將楊長春將匪首擒獲正法著鄭元善即飭令該地方文武將會元局一帶團練軍械悉令繳官並令速完錢糧如再抗違即行從嚴懲辦以儆刁頑○鄭元善奏屢據張曜等稟報汝軍屢捷之後連日滾營進紮查勘平輿集爲汝東巨鎮集之正西一里許有謝莊賊壘一處集之西南三里許有陳大澹輒寨一處而輒寨尤爲堅巢六月十九日該匪乘我軍築營由謝莊突出攻撲各營排除迎勦斃匪多名賊退入壘張曜挑派精銳卽於是夜銜枚疾趨直撲謝莊連拋火彈噴筒壘內火起匪眾大亂都司羣玉林督勇越壘斃賊不少餘匪逸竄統計殺賊入九百人我軍卽分兵進駐謝莊二十五日張曜派兵出隊賊由平輿集及附近之徐范等寨遽擁抗拒張曜飭步隊由中路進壓馬隊分左右包鈔該匪列陣未定驟被轟擊立殲多名紛紛敗奔我軍併力緊躡沿途疊有斬殺參將袁懷德隨將附近賊卡縱火焚毀敗賊向平輿集竄歸張曜督催馬步直逼平輿我軍填壕吶喊一鼓作氣遊擊徐連升越圍而進知縣湯聘珍余兆達率軍繼之奮勇砍殺賊屍縱橫卽於是日未刻將平輿集攻破餘賊奪路狂奔遁入輒寨老巢其時徐寨竄出馬賊數百名竄扼河西意欲斷我歸路遊擊周明崑策騎馳勦擊斃悍匪甚多餘賊竄歸張曜激勵各軍由平輿直撲老巢會同副將巴揚阿參將李殿元等輕騎環寨而馳查看老巢輒砌高堅重濠重關守賊憑壘抗拒礮石如雨未能馳兵肉薄應卽設法攻取以期得手其洛陽境內之會元局團練李書聲等糾集肆搶且

有句通內應約期攻城情事副將楊長春設法弋獲訊明後就地正法餘黨悉行解散至宛屬竄匪雖經兵團屢捷尚未大受懲創臣與勝保毛昶熙派撥各軍均由南陽鎮總兵圖塔納統帶分路進剿當可痛擊洛郡逆練已除首惡相機鎮撫即易蔽事見在西路情形稍鬆而宛南正形喫緊應請飭下勝保親督馬步剿辦宛屬竄匪以杜髮捻勾結上諭議政王軍機大臣等汝郡老巢壕壘高堅深閭見經張曜等查看自應得其要領著鄭元善督飭張曜等務乘銳氣迅速攻拔毋稍延宕捻首陳大濬等前經勝保鄭元善奏稱嚴定章程准其投降會經諭以陳大濬等爲汝郡著名逆首稔惡已極不准收降此時進攻該逆老巢務將渠魁殲獲並附近徐寨等匪巢一律剿洗其附從餘黨及被脅民圩仍當分別剿撫酌量解散洛郡逆練首惡已除仍飭楊長春所帶兵勇妥爲鎮撫毋致再生事端至宛屬竄匪疊撲泌陽桐柏縣城率其醜類肆行衝突著勝保仍遵前旨馳赴洛陽扼要駐紮飛飭派出之王佐臣一軍探賊所向迎頭截擊其參將盧得勝等所帶豫軍著飭令與之會合併力夾攻痛殲醜類毋得任令肆行無忌或與捻匪勾結爲患滋甚楚省道員歐陽正塘及周鳳山等所部自信陽前進正可會合堵剿該大臣等即飭各軍聯絡聲勢互相兜擊陝省回匪勢張著鄭元善即飭縣丞張寶禧所部速即前往所有截留該軍營陝甘兵四百名亦即抽換遣回隨時具奏將此由六百里各諭令知之○予山東殉難學政馬鴻基祭葬世職○已丑諭內閣見當溽暑炎蒸南中尤甚僧格林沁以蒙古藩王親統三盟馬隊馳驅皖豫之交與士卒同甘苦每一念及厘系倍深著派該大臣之子伯彥訥談馳驛前往省視並賞給黃辦珊瑚豆大小荷包各一對白玉珮一件帽緯二匣大卷紗袍料二件小卷紗馬褂料二件即著伯彥訥談親齋前往交該大臣祇領以示軫念戎行優禮蓋臣至意○諭袁甲三節次奏稱病勢增劇懇恩開缺等語袁甲三著准其開缺回籍調理前因壽州失陷袁甲三與翁同書同辦一事且有督辦軍務之責降旨交部嚴加議處當經吏部議以革職惟念該大臣督辦安徽軍務時閱三載雖未能卓著戰功而時值艱危竭力支持一切尙臻穩練該部所議袁甲三應得革職處分著加恩寬免○諭議政王軍機大臣等成明奏統率京兵過河出隊口期並同郡回匪情形一摺前瑛榮等奏報蒲城危急情形疊經諭令該署提督先其所急統率全軍剋日拔營渡河先解蒲城之圍相機剿辦著仍遵前旨即會合同郡兵勇併力進攻以蘇民困而解倒懸毋稍延緩前諭成明以京兵未便孤懸深入非謂附近地方亦可概置不顧也楚軍由陝省南路入援勢將先順省城未能徑抵同郡成明並當於迅解蒲城圍後俟楚軍到陝互相聯絡會商進剿潼關防兵尙數扼守鄭元善已飭縣丞張寶禧統剛銳兩營入陝隨剿著瑛榮於豫軍馳抵潼關後先行撥赴同州爲成明聲援以厚兵力並著探明楚軍行抵何處速行催提以資攻剿京兵渡河

以後並著英桂於沿河要隘地方督率防兵嚴密扼守並籌撥援兵接濟餉需毋稍貽誤至多隆阿一軍前據該將軍奏稱於五月初十等日由皖兼程赴陝迄今將及兩月尙無到陝信息疊諭官文多隆阿嚴催前往乃竟無一語覆奏迺出情理之外陝省情形危急益甚該將軍若再逗留觀望延不赴援致誤大局自問當得何罪官文前奏撥兵援陝尙能不分畛域何以多隆阿一軍久不催令前進僅爲防堵粵捻竄犯楚邊之計置陝省危急於不顧儻陝省稍有疏虞必治官文多隆阿等以貽誤軍情之罪毋謂前功可恃得以仰邀寬貸也將此由六百里各諭令知之○諭前據僧格林沁奏移營夏邑勦辦朱毫捻圩請俟秋高氣爽剋期大舉當經諭令隨時酌度嗣據奏稱所統馬步數千名將來節節進剿兼顧不遑見勝保袁甲三李續宜鄭元善毛昶熙各路馬步兵勇約有數萬一俟秋高氣爽應由西南兩路併力而進江北一帶可期肅清等語所奏通籌全局實爲有見捻匪盤踞蒙亳疊擾東豫實爲中原大患自僧格林沁督師南下屢挫賊鋒該捻不敢北竄見在攻克金樓軍威甚振自應節節進剿肅清巢穴惟該大臣所統馬步本止兩萬分撥各處防剿統帶不過數千提軍深入止能顧及北面一路而西南兩路若不併力進剿必致乘虛紛竄李續宜身任皖撫於蒙亳情形自能通籌策應袁甲三業經准其開缺所統臨淮之師約有二萬著李續宜畱心察看兵勇可用者若干將弁得力者何人俟大舉之時派令由懷遠一帶進剿邳宿海沐爲賊氛出沒之區裹下河一帶完善地方久爲賊所垂涎吳棠駐師清淮兵力尙不能厚著即知會僧格林沁撥兵併力堵剿保全完善徐宿爲南北要衝田在田在彼督辦恐其意存敷衍勢難堵禦該鎮被參各款尙未據僧格林沁等覆奏著卽酌保一員接統其畱如兵力不敷並著李續宜於臨淮軍內酌撥數千名統歸管帶以資攻剿吳棠兵力既單如僧格林沁不能撥兵援應並著李續宜於臨淮軍內酌撥協助免致臨時掣肘鄭元善進剿平與見已克復著豫籌兵勇數千名隨同進剿毛昶熙近在歸德或直搗毫州或旁趨鹿邑著與僧格林沁商酌辦理鄭元善毛昶熙於屆時進止機宜著僧格林沁就近調度以期得力山東蘭嶧一帶應如何飭令德榜額等堵禦著僧格林沁豫爲調度正息信羅等處前據官文等奏飭派歐陽正端等進剿能否於大舉之時派兵深入豫境善官文嚴樹森酌量妥籌多隆阿入陝後儘金陵已克自可畱於北路以壯兵威第聞捻圩半被裹脅疊聞官軍得手各處返正者頗多若明降諭旨無論苗練捻圩奸其及時返正聽官約束者或蠲免錢糧數年量加撫恤出力紳民酌給獎敘如此刊刻賸黃徧行曉諭則自彼來歸者必多既免致玉石不分以廣朝廷德意於進剿機宜亦覺事半功倍應如何降旨之處並著籌商具陳以上各情著僧格林沁與官文等妥籌會商繪圖貼說密行陳奏餉需一節各該大臣等亦應豫爲籌畫庶兵到餉隨一鼓作氣迅奏膚功也僧格林沁

若統師南下北路殊形空虛且以國家重臣馳逐於賊巢中尤深慮念屆時止可派員進剿該大臣仍在皖豫之交駐紮爲諸軍節度毋庸深入賊境用慰懸望將此由六百里各密諭知之○諭李續宜見以安徽巡撫兼欽差大臣勝保已赴河洛袁甲三亦已回籍於辦理苗捻各事更屬責無旁貸該大臣前奏苗練若操之過急恐其與張洛判句合見在苗練黨與解散幾及其半再緩數月苗勢必孤然後大申天討可見該大臣於此事已有成算在胸僧格林沁前奏緩攻苗練即可專辦擒匪自亦爲通籌大局起見惟遠在豫省於苗練實在情形及該大臣作何布置究恐未能深悉著李續宜隨時知照會同商酌庶辦理不至兩岐再另有旨令該大臣移紮臨淮該處爲南北要衝惟距苗圩較遠皖西一帶尚有蔣凝學等軍是否足資統攝即著酌籌具奏將此由六百里密諭知之○諭袁甲三奏病難再支懇請開缺並李世忠扼守石埭橫進攻九洑洲情形收復宿靈等處捻圩派兵進搗湖溝各摺片臨淮控扼長淮毗連徐宿最爲皖北要地李續宜前由六安進紮原爲督攻廬州此時廬州已克應否移軍進紮臨淮以資控制即著妥籌進止李世忠性雖驕悍然材勇尙爲可用經袁甲三數載以來撫循激勵亦尙能盡其力見方籌攻金陵此軍於南北兩岸扼剿均甚切要前經諭令袁甲三飭令李世忠歸會國藩節制李續宜接辦後亦應妥爲駕馭將材難得當此用人之際諒該大臣等必能盡將將之遣使之鼓舞樂爲所用並飭諸軍務與同心協力毋或意見參差是爲至要

和州駐馬河營盤經楊載福商明李世忠改歸楚師接防原駐兵勇當經撤歸滁州諒必辦理妥協惟袁甲三以該營餉需久絀爲慮咨商吳棠妥爲接濟會國藩前奏亦曾有接濟李世忠營銀米等項想亦必隨時籌及兼顧也宿靈境內各圩歸正經袁甲三派員前往辦理其湖溝等積年捻巢已飭吳棠徐鵬等軍進搗一經得手即可與徐宿兵勇會合掃蕩即著李續宜督飭各員勦撫兼施務臻妥協其未到臨淮以前仍著袁甲三竭力籌辦不准稍存五日京兆之心致有貽誤侍講袁保恆仍著留營歸李續宜調遣至袁甲三片內有甯國府城業經克復等語是否酌實施超一軍作何調遣著會國藩迅速具奏將此由六百里各諭令知之○命安徽巡撫李續宜爲欽差大臣督辦軍務○袁甲三以病免仍以吳棠署漕運總督○庚寅諭議政王軍機大臣等勝保奏遵旨移兵西進熟籌快豫大局情形等語近日宛南髮捻逆匪奔竄歷定洛陽爲中州名郡關係緊要且該郡逆練雖經捻斬首逆恐伏莽尙多必須駐紮大兵方足以資鎮撫勝保著仍遵前旨星馳赴洛彈壓該地方練軍並豫防宛南竄匪乘間北來河洛既有重兵皖豫捻逆不敢西窺秦晉既有一二股匪前來竄擾該大臣足可居中調度遣兵四出攔擊所保全者不少陝省軍務自應仍歸多隆阿督辦以一事權其宛屬竄匪仍著勝保飛飭派出之王佐臣一軍馳往剿辦袁甲三軍營將無多張得勝爲臨淮必不可少之

將勝保部曲尚多健將據奏所部兵勇共一萬四千餘名計已足敷勦辦張得勝一軍自應仍留皖省勦辦捻逆毋庸調赴勝保軍營至周口釐局前據勝保奏稱雜貨行頭楊元帶領匪徒三百人赴局滋鬧並有奪犯毆官情事是楊元首惡已鑒鑒可據何以紳商僉稱楊元並未在事難保非楊元恃眾作威迫脅該紳商等呈遞稟函爲首惡開脫地步仍著勝保認真查辦毋致首犯漏網貽患將來將此由六百里諭令知之○李鴻章奏浦東一軍攻克曹涇鎮後六月十四日潘鼎新等營由曹涇進紮南沙距金山十五里潘鼎新等議以近城二里許賊營圍紮海塘攔路設卡左海右河若不力破此卡無由直薄城根會商劉玉林帶隊前往察看劉玉林見右河埂下賊椿攔處水尚不深遂同方有才等覓水而過掩至壘邊鼎銘二營繼至前後夾擊火器齊施延燒賊棚遂乘逆展驚惶搶拔賊劉玉林等諭濠齊進賊首惡臆指揮被我軍迎面砍倒眾匪紛紛出竄斃於河海刀矛者無數城中大股乘援復經擊退我軍回營後賊連夜修整營卡益以死守十七日潘鼎新令軍功潘鼎琛等率三成隊伍復攻此卡賊聞然撤退潘鼎琛等乘勝追至城下斬敵數十級我軍亦有傷亡正撤隊開南門突出賊二千餘眾轟擁奔來我軍整隊徐退離城約五六里適潘鼎新等帶親兵三十餘人由三陽等處探視金山衛東北地勢猝遇賊眾見人數甚少直前兜裏劉銘傳槍斃騎馬賊目賊眾稍卻因令劉玉林移營進紮三陽賊遂盡逃入城十八日參將覃聯陞由奉賢帶隊亦到南沙十九日同都司胡鵬飛由海塘直抵城根賊於城外設伏誘戰覃聯陞偵知有伏飭令各哨勇丁按隊徐行當派守備陳德勝高振彪左右攻擊文清林周河清率前後哨排列槍礮以防鈔擊覃聯陞自率親兵策應衝突再四覃聯陞奮不顧身衝入賊隊親兵從旁猛開劈山大礮擊倒馬賊眾哨亦合爲一處正相持間潘鼎新先派把總徐道奎帶隊由嘔中突出接應覃聯陞督戰益急賊匪撤退入城是晚副將華爾參將李恆嵩帶常勝軍一千餘名先後到營二十日直僞城下潘鼎新率同胡鵬飛劉玉林進紮金山東門外察看地勢約分四門會勦我軍甫開槍礮據報劉玉林已先入城賊大股向西北潛遁潘鼎新等一面派隊跟追一面入城分營布守即於六月二十一日克復金山衛城該逆竄往浙境從此浦東肅清門戶可守堪慰 聖廑又奏 同黃翼升於六月十六日行抵松江十七日由湖州赴徽山湖該處係青浦崑山蘇州吳江交界直達蘇境之太湖其東岸有已革提督會秉忠所部礮船扼守西南北岸處處賊區與黃翼升督同淮揚四營駛往巡視十八日黃翼升巡至離蘇州七十里之周莊鎮見水陸賊軍踞橋爲卡飭令副將王東華等排礮齊攻焚毀賊卡逆眾登岸開洋槍抵抗黃翼升督軍截住賊船攔頭夾擊王東華等帶隊上岸迎勦賊紛紛敗走黃翼升由後河鈔出當將賊巢燒毀共殺賊十餘名焚奪賊船十餘隻十九日復回湖州會合會秉忠由章練塘等處繞至

洙涇漸近浙江嘉善平湖各縣邊界二十二日同至上海老營查松江以西與蘇州接壤南與嘉興接壤湖河泛漲港汊縱橫岸低橋少水戰最宜將來夾攻蘇浙必須由此取徑惟而面皆通須有得力三板飛划四百號乃數分進牽制之用黃翼升所帶戰船僅二百號除分撥金陵揚州六營共百二十號外到滬僅八十號見將黃浦舊存礮船修整改造三四十號尚未竣工仍須會商國藩另籌辦法淮揚水師自去春成軍協戰鄂皖江西各處血戰踰年克復名城數十此次由九洲洲賊壘橫衝而下弁勇傷亡近百名船身多被礮洞穿須趁三伏油艙修補商令會秉忠嚴束所部分堵各隘口俟黃翼升船隻修好再行添調前往抽替會籌防剿上諭李鴻章奏克復金山衛城並巡視湖州情形各摺片金山衛爲江浙要衝見經官軍攻克則地勢軍情均可得手即著督飭各軍攻克青浦嘉定俾上海益形鞏固前據慶瑞奏稱浙省紳團進攻新昌等處疊諭左宗棠派兵進剿而該撫駐師衢州難以兼顧見既克復金山則對岸即係餘姚著李鴻章探明情形咨商會國藩酌量妥辦於進兵籌餉均有裨益李鴻章膺此特簡自當不分畛域通籌大局用副委任降旨劉玉林已准以都司補用並賞戴花翎惟此輩半多桀驁不馴務當隨時察看恩威並用方可始終如一以收實效籌辦舢板飛划以爲進剿蘇嘉之用甚爲妥協該處漢港狹隘長江師船運掉不靈即著商同會國藩迅速籌辦免致臨時掣肘浦東見已肅清鎮江情形仍須隨時探明如果軍情較緊著仍遵前旨分撥兵勇畱防上海即親統所部前往駐紮先據形勢另片奏請將高長紳等革職等語已降旨照所議行閔劉等既已革職金鴻保亦不得姑息著李鴻章一併嚴參俾貪劣之員知所儆畏將此由六百里諭令知之○辛卯諭內閣沈兆霖奏撤回震懾兵威悔罪投誠一摺撤回率眾擾及戎循兩屬前經官軍進剿疊經懲創尚未帖然受撫本年五月間沈兆霖嚴飭各營員弁由亂思觀率領戎屬各營及兵番團勇過山進剿其茶堡一軍亦開道來會連日大小五六十戰斃賊四千餘名焚毀回莊多座該匪被剿窮蹙該喇嘛百戶及總約馬歸源率領十三工頭入六七十名並撤回三百餘人至代理巴燕戎格廳通判王錫文處跪求投誠道員楊炳鏗過山受降撤回五千餘眾列跪道旁誓願永作良民並由番族百戶加具保結戎循一帶地方居民見已如常安帖辦理甚屬妥速所有在事出力文武員弁著沈兆霖擇尤保奏以示鼓勵○諭議政王軍機大臣等前因蒲城被圍疊經降旨令成明全軍渡河迅解蒲城之圍以期節節進剿茲據成明奏派侍衛卓成赴朝邑查探回稱蒲城被圍情事朝邑無從而知並途中難民過河回家者不少見擬調山西防河官兵八百五十名帶赴軍營由華陰大路會同孔廣順馬德昭各軍分路夾剿等語蒲城是否被圍卓成何以僅至朝邑即不前進所稱無從而知詞甚閃爍恐其並未前往成明聞難民過河回家心始稍安是否確知蒲城縣

並未破圍所奏殊未明晰著成明切實偵探如蒲城被圍甚急自應剋日渡河先解蒲城之圍再圖進剿如蒲城之圍已解即著統帶官兵由潼關向西進發與豫省已抵潼關之楊飛熊一軍會合攻剿以壯聲威所有山西防河參將鄧鳳林遊擊興岱等管帶官兵八百五十名即著英桂飭令該員等管帶歸副將珠爾杭阿統帶前赴成明軍營聽候調遣後路應否添設援兵仍著英桂酌辦至據探回匪仍在華州華陰一帶肆行騷擾張潼關大路文報自必梗塞著瑛榮於孔廣順馬德昭所部抽調一軍由省向東進剿與京兵聯絡以期肅清驛路惟孔廣順等軍縱能東下沿途尚有梗阻成明豈可株守潼關靜待陝兵前來始作進攻之計該署提督當激勵將士出奇制勝以副委任至成明所稱整隊前往其鑼鍋帳房擬寄存潼關派兵看守等語想係因瑛榮前此否會車馬無從雇覓故置鑼鍋帳房於不用惟既係裹糧前進即須於所帶兵丁嚴加約束不准絲毫騷擾民間其放餉章程並著英桂速行籌定放給毋稍延誤豫省入關之兵是否楊飛熊管帶抑係鄭元善所派之張寶禧一軍著成明探明後即行會同進剿徐營柱見在駐軍何處如宛南竄匪毋須該署總兵同剿即著鄭元善飭赴陝省會剿以厚兵力多隆阿未到任以前陝省東路之各省援兵著統歸成明暫行節制將此由六百里各諭令知之○諭沈兆霖奏撤回悔罪投誠並陝省回民滋事內患日深宜急籌安辦各一摺撤拉回匪被剿窮蹙乞降沈兆霖察其情詞哀迫出於至誠自應准其就撫以省兵力戎循一帶地方見已安帖著沈兆霖督飭該鎮道等將善後事宜妥為辦理務令民回永遠相安毋再尋釁滋事首犯馬尅三罪在不赦經總約馬歸源稟請俟准撫撤兵後密圖誘獲志在必得著即責成該總約迅將馬尅三擒獻毋任乘間兔脫貽患將來至陝省回匪圍逼同郡蒲城近復攻撲省垣自應懾以兵威再行議撫沈兆霖所籌與近日寄諭均相脗合惟甘省邊邑處處與陝接壤該回匪已有傳單到甘且甯夏府屬之靈州有回民入境買馬製造軍器之事情殊巨測著沈兆霖密飭該地方官妥為防範並飭催避難回民全數回陝以期消患未萌其省城關廟及河州固原等處回族仍著該署督嚴密查察妥為鎮撫毋令與陝省逆回勾結蠢動本日據英蘊等奏甘肅藩庫欠解回疆經費過多請飭陝甘總督措撥經費等語回疆各城籌辦兵餉除勸捐收稅外別無他策著沈兆霖速飭藩司將應解回疆各城經費分別撥解以資接濟而靖邊隅將此由六百里諭令知之○諭劉長佑奏督軍抵潯籌辦防剿情形一摺前因恭城土匪結黨抗拒官軍會經諭令該撫認真剿辦見在該撫出省將平梧各屬軍情次第布置黃三股匪既多且悍就撫後雖未出巢而其黨眾大口扒等仍敢肆出焚掠蔣澤春等出隊何以未甚得手有無挫勦不可僅據稟報一面之詞得屬各匪沿江劫掠向為積年巨寇逆首黃三尤屬罪大惡極豈容久稽顯戮著劉長佑督飭平梧等處兩防兵勇將分寬各

匪嚴密堵剿並飭蔣澤春鄭金華等軍奮力攻剿悉數殲除毋貽後患該省餉糈支絀所有廣東湖南協餉著即咨令各該督撫迅速籌撥以裕兵食將此由六百里諭令知之○諭徐宗幹奏籌辦臺匪情形並遵查被參各員劣蹟各一摺彰化匪徒分犯嘉義鹿港等處雖經官軍擊退究未痛加剿洗逆首戴萬生踞守縣城匪眾尙多曾玉明等已由鹿港登岸並有軍功施九挺等募勇協剿即著徐宗幹激勵將士迅將彰化克復以傾賊髮儘盡匪肅清在事官紳必當破格獎勵若日久無功亦必從嚴懲處著該撫傳知在營官紳剋期剿滅毋稍遷延其所需軍餉並著由省籌解參將林文明激於義憤願赴臺助剿頗堪嘉尙即著該撫咨調臺勇一千名交其統帶迅速前往林文察在浙剿賊朝廷察其奮勇昨已特簡四川建昌鎮總兵並著徐宗幹傳諭林文明使知朝廷衝功示賞不遺在遠若該員奮勉圖功必能仰邀殊恩以副期望知府李鼎等已照議革職歸案審訊該員等劣蹟昭著若不嚴行懲辦則官方吏治何由整肅著徐宗幹懷遵旨將該員等劣蹟迅速查辦從嚴懲治不必候著齡到閩致涉遷延彌縫該撫以降調之員特旨起用封圻受朝廷特達之知但當實心任事不必有所瞻顧致負委任閩省吏治廢弛已久此次查辦各員牽涉甚多恐一時委用乏人著該撫於通省屬員中留心訪察如有才德出眾及潔己愛民之員無論候補實缺出具切實考語密行陳奏以備簡用將此由六百里諭令知之○諭前因常清等奏阿勒坦沙拉入居俄國首鼠兩端當經諭令該將軍等訪查辦理並以哈薩克地接俄界應妥爲防範茲據常清等奏俄國臣蘇勒官雜哈勞於呢瑪圖一帶設立卡倫阻我赴勒布什之路復於沙拉托羅海地方率兵攔阻聲稱哈薩克布魯特爲該國地方並於鄂爾果珠勒卡倫搶奪牲畜什物請飭查照舊章理諭禁止等語哈薩克布魯特地方俄國久已窺伺此次該國率兵攔阻是阿勒坦沙拉早已順從其應襲汗爵即著常清等揀擇應襲之人奏明承襲該處及布魯特地方何時爲俄國誘從據其文憑所言則該兩處地方俄國竟據爲己有必應查明原委方可酌辦著常清等迅速查明該將軍等到任未久無所用其同護本日諭知總理各國事務衙門與之理論明誼明緒見在赴塔爾巴哈台查勘地界並著將此事與俄國公使剴切理論各守疆界其臣蘇勒官雜哈勞詭譎情形亦應告知該公使使之安分守約以敦和好庶可久遠相安事關外國侵佔邊界明誼等務當竭力籌辦斷不可含糊了事以副委任常清等摺並俄國文各一件均著鈔給明誼等閱看明緒雖經簡放伊犁參贊大臣其會勘西界事宜仍著會同明誼妥爲辦理俟辦理完竣再赴新任將此由五百里各諭令知之○壬辰允成明請飭河南壯勇赴陝會剿○以工部尙書倭仁協辦大學士○以恩齡爲內閣學士

○癸巳

慈安皇太后聖壽節停止

升慈寧宮○

諭議政王軍機大臣等僧格林沁奏督軍追剿東竄兩股賊匪及撲犯

黃家捻匪均獲勝仗一摺據稱捻匪任縛得王廣繼等率眾由徐州府迤西向東北分股奔竄德榜額督兵截擊斃匪多名
蘇克金等趕至嶧縣殲除二千餘名王廣繼竄入雲谷山中與棍匪勾結德榜額派參將李其昌帶隊堵剿自與蘇克金馬
隊馳抵曹巴集會合田在田追至睢甯縣黃山石峽地方共斃匪四千餘名餘匪奔回老巢西路捻股劉狗兒等撲至黃家
經侍衛卓明阿等督隊剿擊殲除賊匪二千餘名所辦均極得手著僧格林沁飭田在田將曹巴集餘匪追殺淨盡毋令倖
歸老巢並嚴飭德榜額將雲谷山攻克王廣繼一名務須剿除勿任再行旁竄營總恆齡等駐紮亳州迤北業將竄賊大加
創懲當可趁此聲威一鼓攻克盧廟一帶捻圩著俟天氣晴霽泥潦漸乾卽與鄭元善毛昶熙等會同進剿老巢以清捻患
摺內所稱總兵黃開榜稟稱此股西捻擁眾數萬該總兵會同黃國瑞帶領礮船早勇沿河布置原稟長篇累牘盡屬支離
並未言及德榜額等剿勝情事比及蘇克金等同營查詢賊匪不過一萬未聞沿河有黃開榜帶領礮船與賊接仗之事已
行文吳棠詳細確查等語此股捻匪竄擾黃開榜是否與賊接仗著吳棠查明據實具奏該總兵武夫不知筆墨必係辦理
文案之人代爲鋪張詞後須令事事務實不可稍涉虛浮若有意瀆稟冒功卽著嚴參懲辦其田在田被參各款著吳棠迅
速會商僧格林沁覆奏毋再稽遲將此由五百里各諭令知之○甲午諭內閣瑛奏多隆阿自武昌來咨據稱見飭雷正
綰馳抵襄陽暫爲休息再行入陝等語多隆阿既奉督辦陝西軍務之命責任甚重自應兼程赴陝立解倒懸乃竟任意遷
延屢催罔應又不遵旨先飭雷正綰帶兵迅速赴援實屬玩視軍務不知緩急官文既不遵旨嚴催而於多隆阿行抵何處
兩月以來並無一字奏報亦屬顧預玩泄罔顧大局官文多隆阿均著先行交部議處仍舊官文嚴催多隆阿等剋期赴陝
實力剿辦以贖前愆懲改仍前延玩貽誤戎機必將多隆阿等從重治罪決不姑容○諭議政王軍機大臣等據托明阿等
奏毛震壽勦辦鄧逆一股大獲全勝餘賊僅存數百名與藍逆合股竄入洋縣毛震壽督勦屢勝該逆退守不出我軍膽氣
愈壯勦除可望迅速等語此次川軍入陝卽能將鄧逆殲除足見平日訓練尙屬得力惟洋縣失守情形殊出情理之外見
在毛震壽督兵進剿能否迅速殲除瑛榮於漢回互闕之事已屬一籌莫展豈能望其顧及漢中此軍本係駱秉章派往仍
著該督嚴飭各軍迅將藍鄧餘匪殲除毋任滋蔓再據徐之銘奏林自清不候諭旨擅自入川見飛札調回並請飭知府翁
祖烈知縣朱鳳標袁祖懃等開復赴滇差委雷川差委之候選道章源仍歸部選各等語覽其所奏無非意存營私已批諭
翁祖烈等開復及赴滇差委之處不准行矣該員等聲名平常人所共知而該撫稱其公正勤直不知鑽營翁祖懃是否卽
係袁祖懃著查明與翁祖烈朱鳳標一併勒令回籍免生事端道員章源前經駱秉章奏請雷川差委降旨允准茲據徐之

銘稱該員在滇官聲太覺平常以營謀爲事請飭赴部候選不准畱川是否徐之銘所奏別懷私見抑實係章源不能得力即著駁棄章據實奏聞毋稍徇隱林自清已否赴省謁見其練服能否遣散徐之銘所奏札調回滇諒亦徒託空言以爲搪塞地步並著駁棄章酌量辦理將此由六百里諭令知之○諭托明阿瑛榮等奏同匪圍攻六村堡官軍出隊援剿情形請飭催多隆阿等兼程前進並請飭成明統兵來陝會剿及查探張芾等尙無消息各摺片覽奏曷勝髮指陝省回匪猖獗節經諭令官文嚴催多隆阿星馳援剿迄今兩月既無入關消息且無隻字奏報朝廷諭旨輒敢視同弁髦著官文多隆阿將因何並不覆奏之處明白回奏陝省軍情如此緊急耽延一日荼毒無數生靈糜爛無數地方多隆阿等即使有所牽制不能倍道赴陝亦應即時具奏朝廷不難另調勁兵星馳前往乃該省望兵如望歲而多隆阿等紆道武昌遲延不進是此兩月內陝省生靈之慘遭焚殺皆官文多隆阿等貽誤之罪本日業經明降諭旨將官文多隆阿先行交部議處仍責令該將軍督率大隊剋期赴陝盡力剿辦若再遷延定將多隆阿等從重治罪決不寬貸六村堡被賊占踞距省止二十餘里南路軍情更覺喫重著托明阿瑛榮等將省防妥爲布置仍不時激勵兵勇協同附近練堡力遏兇鋒毋稍鬆懈本日瑛榮奏請嚴催成明渡河駐軍同州以定民心而牽賊勢著成明酌度情形辦理成明所部三千兵力尙嫌單薄楚軍既無到陝消息必須另派勁旅相機策應勝保接奉疊次諭旨計不日可抵河洛著即籌撥馬步三四千名派得力員弁管帶趕緊入關歸成明調度分投援剿毋稍延誤該大臣仍親駐河洛調度豫省一切剿匪事宜以專責成閩鄉縣應否駐兵防守著勝保斟酌辦理張芾前往倉頭鎮前據瑛榮等奏回匪賺去羈畱何以馬百齡督梅張芾等往勸漢民馬百齡分勸回民從此分手再未晤面其說殊難憑信馬百齡是否患病仍著瑛榮嚴飭該員督省追究張芾等下落據實奏聞托明阿等另摺奏官軍進剿前股川匪大獲全勝逆首就戮洋縣百姓開城迎賊商南境內一律肅清等語朱陞二逆業經官軍陣斬鄧逆是否傷斃仍著瑛榮等飭令毛震壽確切查明毋令死灰復燃致滋後患至藍逆大股由西鄉竄過漢江直抵洋縣知縣汪淮督率兵勇固守何以百姓私餽金銀開城迎賊是否民心忽變抑或奸細豫先埋伏句結內應汪淮平日有無虐民之政著瑛榮即飭毛震壽查明辦理洋縣之賊若再竄往東北與回匪句結則陝西省垣更形危急鄧西防務既鬆則防鄧之兵應分撥出境迎擊以剿爲防著官文等迅速調派交金國琛統帶赴陝聽候諭旨將此由六百里加緊諭令知之○子陝西陣亡協領圖克唐阿等繫葬世職建祠並遊擊敬芝蘭等祭葬世職○乙未諭議政王軍機大臣等鄭元善奏粵匪合股竄擾唐桐泌各境逼近郡城並渡河圍攻各摺片前因西路軍務緊要疊經諭令勝保駐紮河洛將豫省腹地廓清此時宛境被擾賊

眾兵單自應先其所急著卽督率兵勇前赴南陽迅速剿洗勝保前派之王佐臣一軍見已行抵何處著催令先行赴宛會同圖塔納各軍併力兜剿其竄擾南召縣之維摩寺等處賊匪該處爲上水人往來路亟宜設法截剿著勝保鄭元善酌派得力員弁統帶兵勇繞出賊前迎頭截擊毋令闖入陝境昨因陝省回匪得報諭令韓福壽撥馬步兵勇三四千名入關援剿該省望援甚急而南召竄匪又駭駭有向陝之勢且恐陝省回匪勾結此輩乘隙而去爲患不小勝保惟當督飭將士會同豫省官軍併力扼剿杜其入陝之路如有疏虞惟勝保鄭元善是問南陽距樊不遠該處防兵素稱得力著官文等飭令越境夾擊以剿爲防務將此股匪眾聚而殲旃毋畱餘孽將此由六百里諭令知之○丙申有眾星西南流如織○上詣觀德殿 文宗顯皇帝几筵前行中元大祭禮○丁酉諭內閣吳棠奏扼剿西捻獲勝邵宿運河南岸肅清一摺逆捻竄擾邳州意圖搶渡運河總兵黃開榜分撥礮船沿河扼守黃國瑞督率陸軍渡河進剿生擒賊目王春玉正法斬馘甚多該逆大股屯聚運南官軍水陸齊進斃賊二千名副將姚廣武等禦賊於張家集先後斃賊五百餘名黃開榜督隊乘夜進劫貓兒窩以南各賊柵縱火延燒連拔賊柵十一處姚廣武等追賊至舊邳圩復殲斃賊匪三百餘名該逆繞竄宿遷復經官軍擊退敗匪由睢甯境內遁回老巢運河南岸一律肅清仍著吳棠督飭各員嚴扼要隘毋任再行竄擾所保出力之總兵黃開榜前據僧格林沁奏接據該總兵稟稱沿河剿賊各情言語支離業經諭令吳棠查明具奏著俟奏到時再降諭旨○調宋晉爲倉場侍郎以王茂蔭爲工部右侍郎侍郎○子故漕運總督邵燦祭葬諡文靖○廣山西鄉試中額一名○允江西饒州建昭忠祠以陣亡參將李逢春入祀州判左楷等附祀○戊戌 上詣觀德殿 文宗顯皇帝几筵前行初周年大祭禮○袁甲三奏查金馬胡各圩坐落靈璧縣東南臣於收撫後派員清查戶口金馬胡六圩計九百六十七戶老幼男丁不足二千人其前隨丁潮臣西去者僅二百二十名均有冊籍可查此外附近之梭塘廟等二十餘圩被倡去者又六七百人先至蒙城之移村集爲苗沛霖調至江口集旋因無糧放歸曾據練總副將邵徵祥等具稟乞恩均願回家安業自應准其回圩以安反側且使知從官之安勝於從苗隨諭每四五十人爲一起由九灣過河東歸並飭沿途各營將弁妥爲彈壓見據邵徵祥稟報金馬胡練丁業已陸續回圩並據駐防金馬胡守備陳德厚稟稱按冊點驗前次西去練丁均已全數回圩並無一人在外開具清單呈送前來覈與勝保所奏二萬餘人悉數歸歸並懷憤尋鬪各情大相逕庭臣不知勝保何故造爲此言上煩 宸慮也至丁潮臣本係夏邑捻匪投入苗練管帶馬勇前次騷擾濳北實苗沛霖之所使畱其母妻在老寨爲質並非濳北土著昨據探報丁潮臣見在潁州南一百十里之簡家集並未帶人東來臣更不知勝保指定丁潮臣爲

漕北之練其意何居也該大臣前因臣派兵剿辦曾有信函致臣謂係前署藩司張學醇誤聽浮言尋仇報復又鈔送泗靈職員朱庚培等聯名訴稟一紙屬臣量加寬宥免動干戈臣接閱不勝駭異當即細加查訪朱庚培等均各在家並未赴勝保軍營其稟內仍以上年壽州官兵剿擒激變苗練因此泗靈練眾不服爲詞況覈其具稟日期已在臣收撫金馬胡各圩移兵剿擒之後其爲苗練捏造希圖挑釁顯而易見是以置之不覆不料勝保又以練眾懷憤歸爲詞率行入告也將謂勝保以軍務爲重自當一面具奏一面咨臣嚴加堵剿何以至今並未接其隻字幸而事屬子虛萬一實有其事直至接奉諭旨再行辦理豈不著著落後該大臣此奏究竟爲公爲私難逃聖明洞鑒夫金馬胡練眾來去人數多寡及臣酌量剿撫情形共見共聞臣不必與之爭論惟勝保於此等彰明較著之事尚敢詭詞以亂聖聽其平日之膽大欺飾更可概見此後剿撫機宜正在喫緊應如何杜其簧鼓免致煩宸慮而亂軍心出自聖明乾斷再金馬胡係被丁潮臣等煽惑曾經從苗見雖一律安靜而丁潮臣尚在苗營恐其再來勾引仍當妥爲防範上諭議政王軍機大臣等袁甲三奏陳剿撫金馬胡始末及查明隨丁潮臣西去者僅二百二十餘人丁潮臣尚在苗營並無懷憤歸情事鈔錄查明各圩戶口並副將邵徵祥等稟呈覽詳加披閱似係實在情形而勝保偏聽苗沛霖之言據以入告其意似爲苗沛霖夸張所部眾多袁甲三辦理未善冀朝廷於苗練一事姑息遷就免生事端覓在皖省軍務已統歸李續宜督辦著仍遵前旨秉公辦理如果各該圩反正安業即著宣布朝廷德意安爲撫恤袁甲三單內所開各圩戶口少可見百姓瘡痍未復殘亡可憫深用惻然著李續宜曉諭員固各圩如有自拔來歸者即赦其既往之罪俾安生業用副視民如傷之意勝保原片並袁甲三覆奏摺一件單二件均著鈔給閱看惟據袁甲三奏稱丁潮臣尚在苗營恐前來勾引仍當妥爲防範等語著李續宜加意查察毋任丁潮臣得生詭計李續宜未接欽差大臣關防以前臨淮軍務袁甲三仍當妥籌防剿毋令反正各圩復有煽惑袁甲三另片奏北路剿匪情形等語擒逆既歸併湖溝而張落刑等均同雉河集自應防其併力來爭即著袁甲三飭令吳秀等迅將湖溝攻克以杜擒逆東路門戶儘遲延未能攻克著李續宜將吳秀等嚴參毋稍姑容將此由六百里各諭令知之○駱秉章奏石逆敗踞長甯日見大兵逼近勢難久踞於六月初十日撲總兵唐友耕營盤我軍槍礮環擊賊無算該逆屢前屢卻唐友耕見賊勢漸疲縱兵出擊斃賊二千餘名賊眾意圖就山紮壘以死抗拒唐友耕親督隊伍由右路繞上山梁火箭齊發賊即奔潰將該逆未成之壘概行踏毀山下伏賊約三四千人復被我軍轟擊殆盡賊向石笋一帶遁回總兵熊煥章一軍初七日移紮洞底甫築一壘賊分數路撲至熊煥章督隊迎敵該逆分股包鈔我軍稍卻賊從壘後撲入時果毅前